



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ein Tröstbüchlin für die sterbenden**

**Odenbach, Johann**

**Wittemberg, [ca. 1540]**

**VD16 O 249**

Gebet.

**urn:nbn:de:hbz:466:1-34573**

ren/ vnd die rechte warheit erkenne / danck  
ich dir/ vnd bitte dich / beweise meiner ar-  
men seelen inn dieser grösten not / deine  
hülffe vnd trost/ vnd verleihe mir gedult/  
Amen.

## Sebet.

ALmechtiger ewiger Gott / barmher-  
ziger Vater / nim für meine sunde die  
gnugthuung vnd die bezalung deines  
eingebornen Sons vnser Herr Ihesu  
Christi / O Herr Gott Vater / las mich  
geniessen seines leidens / erlöse mich von  
allen sunden / straff mich nicht inn dei-  
nem grimmigen zorn/ vnd gehe nicht mit  
mir inn das gericht / gib mir gedult inn  
meiner krankheit/ vnd verlas mich nim-  
mer inn ewigkeit / Amen.

## Sebet.

Lob/ Ehr vnd danck / sey dir mein  
aller liebster Herr Ihesu Christe / für  
dein heilige menschwerdung / für dein  
marter vnd bitters leiden / aus den ich er-  
kenne

erkenne/das du mein erlöser vnd seligmacher bist/ vnd gleub das du /sunde/hell vnd Teuffel / vberwunden hast/ das die mir nicht schaden mügen / des allein vertröste ich mich / darauff barwe ich/da stehet mein hoffnung/da wil ich mich lassen finden/allein sey mir gnedig vnd barmherzig / wie ich deiner warhafftigen zusagung nach / nicht zweivel / O Herr / las mich nicht inn diesen grossen nöten.

### Sebet.

O Herr Ihesu Christe/alle die inn dich getaufft sein / die sind inn dein tod getaufft/ Ich bin inn dich getaufft/drumb bin ich auch inn dein tod getaufft/wil mit deiner hülff frölich vnd gern sterben/der hoffnung / wie ich deiner trübsal teilhafftig sey / ich sol auch deiner ewigen glori teilhafftig werden.

O Herr Ihesu Christe/du hast am Creutz gebeten/Vater verzeihe ihn/also Herr verzeihe ich allen/die widder mich gehandelt